



Cussegli da vischnaunca 33-2013/2016
Seduta dils 19 d'uost 2016

Protocol

dalla seduta dil cussegli da vischnaunca,
venderdis, ils 19 d'uost 2016, allas 20¹⁵– 22¹⁵
el center d'intervenziun Sursassiala a Cuoz

Presidi: Livio Zanetti

Actuar: Ervin Maissen

Presents:

a) Cussegli	Christoph Berger Armin Berther Adrian Bigiel Adrian Deflorin Edgar Durschei Rita Huonder-Tenner Wendelin Jacomet	Jordana Lozza-Desax Armin Manetsch Flavio Murer Adrian Pally Alfred Spescha Rico Tuor Livio Zanetti
b) Suprastanza communala	Francesg Cajacob Madlen Deflorin-Spescha	Iso Mazzetta Roger Tuor
c) Perstgisas	Cecilia Maissen-Desax	
d) Hospes	11	

"Pil solit sun jeu en quei local, sch'ei dat in alarm da pumpiers, sche persunas drovan urgentamein nies agid ni tier exercezis. Questa sera essan nus, el rom da nossa seduta extramuros, sin viseta cheu tiels pumpiers Sursassiala. Nus essan vegni informai davart las maschinas novas ed havein giu la pusseivladad da s'informar persunalmein. Jeu engraziol al cumandant Gion Tenner e sia equipa per la promtadad da dar a nus albier per nossa seduta e per la demonstraziun. Cordial engraziament.

Jeu less denton era puntuar con impurtonts ch'il survetsch da pumpiers insumma ei. Las vischnauncas da Medel, Mustér e Tujetsch han il cletg da posseder ina organisazion cun bunamein 100 persunas, promtas 24 uras a di da survir e gidar la populaziun e tut sut il codex "Gott zur Ehr, dem Nächsten zur Wehr". Mintga giuvna e giuven che s'engascha activ e che s'annunzia al survetsch da pumpiers mereta in grond respect per sia promtadad da s'engaschar per la publicitat a favur da nossa segirtad.

Bunas novitads ein vegnidas communicadas dalla cumissiun preparatoria per las elecziuns communalas vegnentas. Els han saviu comunicar treis candidats per la suprastanza communal. Jeu sperel medemamein ch'ils posts vacants pil cussegli da vischnaunca sappien vegnir occupai per che la populaziun hagi aschia la pusseivladad d'eleger lur candidats ord ina giesta cumpleina. Era cheu fussi giavischeivel, che dapli giuvnas e giuvens s'engaschassen per la politica communal. Alla fin san els aschia contribuir vid la formaziun digl avegnir da Mustér. Nies e lur avegnir.

In grond engraziament admettel jeu als organisaturs dil campiunadi da paragsuladers Disentis Open. Sur 100 pilots e lur famiglias, ord varga 20 naziuns, ein stai hospes a Mustér. Era quei eveniment gida a derasar e far enconuschten nossu vischnaunca.

Duront il meins da fenadur ha nossa vischnaunca survegniu la nova che la regenza grischuna lubeschi mo ina enzonaziun parziala dalla zona da mistregn previda a Pignola e Marias. Quella decisiun blochescha in ulteriur svilup da nossas fatschentas. Jeu sperel fermamein che nossa suprastanza sappi perschuader e contrahar cun success cun ils pertuccai. Plinavon spetgel jeu ch'ella vegni da perschuader la regenza grischuna davart la necessitat da quella surfatscha da mistregn.

Dapi la davosa seduta dil cussegli da vischnaunca han ils suandonts vischins bandunau il terrester. Cun in bien patratglein nus seregurdar da:

Pader Baseli Drack dalla Claustra da Mustér, naschius il 18 d'october 1920, morts il 15 da zercladur 2016; Bonavitus Schnoz-Manetsch da Cons, naschius il 24 da schaner 1937, morts il 15 da fenadur 2016; Eugen Gähwiler suenter cuorta dimora a Funs, naschius il 22 da fenadur 1953, morts il 20 da fenadur 2016; Maria Langini da Raveras, naschida il 12 da settember 1919, morta il 6 d'uost 2016. Ils defuncts rauassien en pasch.

Grond plascher hai jeu da comunicar dapi nossa davosa seduta dil cussegli da vischnaunca sis naschientschas; Margarida Carvalho Azevedo da Vitg, naschida il 27 da matg 2016, feglia da Marisa Figueiredo Carvalho ed Antonio Fernando Da Silva Azevedo; Eliano Sabbadini da Raveras, naschius il 12 da zercladur 2016, feglia da Fabiana e Martino Sabbadini-Bass; Dinis Jorge Faria da Vitg, naschius il 2 da fenadur 2016, feglia da Maria Armanda Estevinha Jorge Faria e Fernando José Moreira Faria; Livio Vögtli d'Aletta, naschius il 10 da fenadur 2016, feglia da Seraina ed Alexander Vögtli-Giger; Selina Bucheli da Segnas, naschida il 18 da fenadur 2016, feglia da Silvia e Guido Bucheli-Caduff; Jana Cajacob da Segnas, naschida il 27 da fenadur 2016, feglia da Darinka e Curdin Cajacob-Steger.

Cordial beinvegni ed als loschs geniturs nossa cordiala gratulaziun.

Cunquei arvel jeu la 33avla seduta dil cussegli da vischnaunca."

Tractandas:

1. Protocol 32-2013/2016
2. Rempar Val Acletta e correctura dalla via cantunala: Presentaziun dil project
3. Center da sport e cultura: Presentaziun dil concept
4. Ura da damondas (conform ad art. 44 dil regulativ da fatschentas)

Cussegl da vischnaunca Disentis/Mustér
Il president: Igl actuar:

Livio Zanetti

Ervin Maissen



GEMEINDE/VISCHNAUNCA
DISENTIS/MUSTÉR

Cussegli da vischraunca 33-2013/2016
Seduta dils 19 d'uost 2016

1. Protocol 32-2013/2016

Protocol nr. 32-2013/2016

Il protocol ei vegnius tarmess tier per posiziun. Enteifer ils 5 dis fixai ei vegniu inoltrau neginas objecziuns.

Il protocol nr. 32-2013/2016 dalla seduta dils 10 da zercladur 2016 vegn approbaus senza midadas.

Cussegli da vischraunca Disentis/Mustér
Il president: Igl actuar:

Livio Zanetti

Ervin Maissen



2. Rempar Val Acletta e correctura dalla via cantunala: Presentaziun dil project

Suprastonza communal

Gerau Iso Mazzetta presenta il project en num dalla suprastonza communal cun agid d'ina presentaziun electronica.

Basa da partenza dil studi e dil project da publicaziun per in rempar ella Val Acletta fuorma la nova carta da prighel. La carta da prighel ei veginida surluvrada tenor incarica dalla Confederaziun a basa dallas malauras che han tuccau la Svizra la stad igl onn 2005 (Brienz ella Surselva Bernesa, Claustra en Portenza etc. ...). En consequenza da quellas malauras han las cartas da prighel stiu veginir giudicadas buca mo tenor prighels da neiv e lavinas, mobein era concernt auas grondas e bovas.

La situaziun digl uor sin l'altezia dalla staziun da val dallas pendicularas a Sontga Catrina ei buca buna. Differentamein han giu liug cheu ils davos onns contractivas denter la vischraunca, las pendicularas ed ils uffecis cantunals. Plinavon han ils vischins da Funs e Sontga Catrina che cunfineschan cugl uor differentamein fatg attents sin l'aua che penetrescha sin lur terren, resp. sin terren che vegin lavaus sutora.

Il project ei partius en 5 objects:

Igl object 1 secumpona d'in rempar da retensiun e da dosar. L'aua duei veginir dosada aschia, che l'aua da plievgias en la dimensiu d'entochen 30 onns vegin buca retenida. Denton eis ei previu da retener dimensiuns pli grondas. Ils models da calculaziun che veginan duvrai dils biros da planisaziun specialisai quentan ch'ina malaura extrema sappi muenter ella Val Acletta material en la dimensiu da tochen 9'000 m³. Per saver reducir las surfatschas en las zonas da prighel a Funs e Sontga Catrina ei la construcziun dil rempar da retensiun indispensabla.

Igl object 2 ei partius en dus rempars da deviaziun che duein proteger la staziun da val dallas pendicularas – gia oz pretenda quella situaziun attenziun speciala davart ils organs d'intervenziun a caschun da grondas ni intensivas malauras.

Sin l'altezia dalla staziun da val secatta a Sontga Catrina igl object 3. Cheu eis ei necessari da sanar e slargar il rempar da deviaziun. Quei rempar ei en in schliet stan. La sanaziun da quei rempar stat dapi in temps sin rucca e sto succeder independentamein dalla situaziun da prighel definida ella carta da prighel revedida.

Naven dalla staziun da val entochen alla punt dil stradun digl Alpsu vegin il rempar da deviaziun dalla vart seniastra sanaus ed alzaus. Las mesiras da sanaziun ein necessarias per prevegnir ad ulteriurs donns sin il terren cunfinont. Muort las pretensiuns en connex cun la carta da prighel sto quei rempar veginir alzaus.

Las mesiras previdas en connex cun la construcziun nova resp. il slargament digl ual pretendan che las treis punts che meinan actualmein a Sontga Catrina sur igl Ual d'Acletta stoppien veginir remplazzadas. Las duas punts sper la staziun da val veginan remplazzdas entras ina punt. Medemamein sto la punt a Sontga Catrina muort l'altezia veginir dislocada.

Igl inschignier ha calculau per quellas lavurs cuosts da frs. 4'492'878.--. Actualmein ei la suprastanza communalia vidlunder da sclarir cul cantun davart in agid per la finanziaziun da quei project. A vesta che quellas cefras ein aunc buca enconuschantas, ha la suprastanza communalia mo vuliu orientar davart il project. La damonda vegn puttamesta il termin il pli spert pusseivel al cussegli da vischnaunca per tractaziun.

Ulteriuramein vegn actualmein luvrau vid ina correctura dalla Via Acletta. La lingia currigida duei survir al detreetschament dils differents interess a Sontga Catrina; Ils basegns en connex cul rempar, meglierar la segirtad da traffic en connex cul resort che vegn construius da niev ed ina miglior concernent il diever dils parcadis per las pendicularas che vegnessen construi concentratamente d'ina vart dalla Via Acletta. Ils documents e plans ch'ein stai a disposiziun per la presentaziun dil project vegnan mess a disposiziun electronicamein sin la pagina d'internet dil cussegli da vischnaunca.

Sper la preparaziun dil project rempar Val Acletta ha il biro d'inschignier preparau ina carta da prighel provisoria che dat ina survesta co la situaziun sepresenta suenter che las mesiras previdas tenor project ein realisadas. Tut en tut muntan ils cuosts per la realisaziun dil rempar Val Acletta e la correctura dalla via a 5,5 milliuns francs.

Discussiun

Cussegli da vischnaunca

Eis ei buca pusseivel da sfundrar il letg digl ual per prevegnir ch'ils rempars da deviaziun stoppien vegnir alzai? Co sepresenta la situaziun concernet termins da realisaziun? Han las pendicularas gia mess en mira ina contribuziun en connex cun la realisaziun da quels projects? En tgei fuorma separticipescha il cantun vid la finanziaziun?

Suprastanza communalia

Davart dil cantun ei aunc buca enconuscent cun tgei contribuziuns che la vischnaunca sa quintar. Actualmein ein ils departaments da construcziun, traffic e selvicultura cugl uffeci da construcziun bassa sco era il departament per economia e fatgs socials cugl uffeci per economia e turissem involvai. Ils 13 da settember ei previu ina seduta per discussiunar las pusseivladads da susteniment davart dil cantun. Il fatg che differentas damondas davart la finanziaziun ein aunc buca sclaridas ei era quel, che la suprastanza communalia ha tractandau quella fatschenta mo sco informaziun e buca per tractaziun.

Il letg digl ual astga buca vegnir sfundraus, quei per motivs che las prescripziuns legalas lubeschan buca ei, denton era ord motivs statics. Cun sfundrar il letg digl ual vegn il fundament static da quel tangaus ed il prighel ch'ins caschuni cheutras pli gronds donns ei memia gronds. Aschinavon ch'il project sa vegnir realisaus sco presentau questa sera, ei vegniu mess en mira davart dallas pendicularas ina contribuziun da frs. 1'000'000.--.

Omisdis projects ein vegni puttamesta al cantun. Il project pil rempar ei preparaus aschia, che la procedura ufficiala d'exposiziun sa vegnir instradada immediatamein. Actualmein ein ins vid rimnar las informaziuns supplementaras pil messadi al cussegli da vischnaunca. Prevedentamein era ei previu da puttamester il project ils 25 da settember alla votaziun dil pievel. A vesta dallas damondas ch'ein aunc da sclarir, duei la fatschenta vegnir puttamesta sil pli tard ils 27 da november 2016 al suveran per decisiun.

Cussegli da vischnaunca Disentis/Mustér
Il president: Igl actuar:

Livio Zanetti

Ervin Maissen



3. Center da sport e cultura: Presentaziun dil concept

Suprastanza communal

Gerau Roger Tuor presenta la fatschenta en num dalla suprastanza cun agid d'ina presentaziun electronica. Era quella documentaziun stat a disposiziun al cussegli da vischraunca sin sia pagina d'internet.

La suprastanza communal ha giu surdau l'incarica d'intercurir la substanzia dil baghetg. Ils resultats da quellas retschercas ein avon maun en dus rapports sco era in rapport supplementar davart il fisicher da construcziun. Plinavon ha la cumissiun da menaschi dil CSC giu dau l'incarica da sclarir pusseivladads per nezegiar il spazi liber ch'ei sedaus entras la dislocaziun dil menaschi tecnic e dils pumpiers. Cheu ei ina documentaziun davart las pusseivladads avon maun.

Sin fundament da quellas enconuschientschas ha la suprastanza communal contactau il cantun per sclarir pusseivladads per in sustegn finanzial cantunal. Igl uffeci per economia e turissem ha mess en mira pusseivladads per ina participaziun sut la cundizion che la vischraunca laschi sclarir las pusseivladads davart il diever dil CSC resp. tgei damondas existan davart la clientella. Suenter ch'il cantun haveva giu mess en mira ina contribuziun finanziala da sia vart, ha la vischraunca la finala stuiu finanziar persula il studi. L'incarica per sclarir la damonda davart la purschida ed ils basegns dalla clientella ei vegnida surdada al biro Erlebnisplan da Lucerna. La lavur dil biro cun ils collaboraturs d'Erlebnisplan Matthias Imdorf (meinafatschenta), Laura Scherrer e Philipp Berweger ed ei vegnida accompignada d'ina gruppa da lavur alla quala suandontas persunas han fatg part: Antonino DiBella, Edgar Durschei, Otti Flepp, Andri Hendry, Ervin Maissen, Fabian Manetsch, Heidi Meier, Alexi Monn, Hans Möckli, Alfons Quinter, Herbert Schmelzer, Stefan Schwenke, Giancarlo Tuor e Roger Tuor. Il rapport final ch'ei sedaus ordlunder datescha da miez fenadur 2016.

Il rapport dat ina buna survesta davart cumbinar las purschidas actualas dil CSC sco era co slargiar quellas cun cumbinar ellas cun las purschidas avon maun, resp. tgei mesiras ein necessarias entras novas construcziuns ni midadas constructivas.

Alla fin della seduta vegn il rapport dil biro Erlebnisplan repartius als commembres dil cussegli da vischraunca.

Discussiun

Cussegli da vischraunca

La survesta davart las preparativas entras la suprastanza communal e la cumissiun da menaschi dattan ina buna basa per saver cintinuar cun la projectaziun. Eis ei pusseivel ch'il project sa aunc vegnir suttamess quest atun al cussegli da vischraunca?

Suprastanza communalala

Per saver suttametter quest atun in project al cussegli da vischnaunca para il temps dad esser empau cuorts. La documentaziun duei denton survir alla cumissiun da menaschi nova per canticuar igl onn proxim cun la lavur. Dils commembres dalla cumissiun vegnan aunc dus a star a disposiziun. Denton vegni ei ad esser pusseivel da far certas preparativas per che la cumissiun sappi canticuar sia lavur.

Cussegli da vischnaunca Disentis/Mustér
Il president: Igl actuar:

Livio Zanetti

Ervin Maissen



4. Ura da damondas (conform ad art. 44 dil regulativ da fatschentas)

Suprastanza communal

Cusseglier Wendelin Jacomet ha inoltrau pliras damondas en connex cun la decisiun dalla Regenza a caschun dall'approbaziun della revisiun parziale della planisaziun locala en connex cun la zona da mistregn a Pignola/Marias.

A vesta che la suprastanza communal ei actualmein vidlunder da sclarir pliras damondas ei ella secunvegnida cun cusseglier Wendelin Jacomet da rispunder sias damondas a caschun d'ina dallas proximas sedutas dil cussegli.

Encunter las usanzas dil protocol (art. 6 dil regulativ da fatschentas) giavischia cusseglier Wendelin Jacomet che sias damondas vegnien publicadas el protocol. Il president communal dat suatientscha a quei giavisch.

- Tgei mesiras ha la suprastanza communala priu suenter quella decisiun dalla regenza?
- Co han las interpresa Casatec SA da Mustér, Levy SA da Mustér e Giger SA da Sedrun reagau suenter quella decisiun dalla regenza?
- Con ditg cuoza il contract denter la vischnaunca da Mustér e l'interpresa Berther SA?
- Tgei cundiziuns ein vegnidus fatgas da gliez temps en quei contract cull'interpresa Berther SA?
- Havess la vischnaunca la pusseivladad da cumprar anavos il terren da quell'interpresa?
- Tgei succeda sche quei terren vegn puspei exzonaus?
- Da quei mument vegness la regenza ad inzonar il terren a Pignola/Marias?

President dil cussegli da vischnaunca

La proxima seduta dil cussegli da vischnaunca ha liug mardis, ils 25 d'octobre 2016.

Il president reparta ulteriumamein l'invitaziun all'excusiun dil cussegli da vischnaunca pils 29 d'octobre 2016 ed envida ils presents ad in sempel refrestg el local da pumpiers.

Pendenzas

Fatschenta/Sparta	Termin	Responsabel	Remarcas
Informaziun dalla populaziun davart la politica da tgira	Ils 24 d'avrel 2015	Geraua Cecilia Maissen	

Cussegli da vischnaunca Disentis/Mustér
Il president: Igl actuar:

Livio Zanetti

Ervin Maissen